

## OPĆINSKO VIJEĆE ČELIĆ



# SLUŽBENI GLASNIK

GODINA : XXVII

24.03.2021. -

BROJ: 3/2021

*Službeni glasnik izlazi po potrebi  
Izdaje : Služba za stručne poslove Općinskog vijeća i Općinskog načelnika*

#### **4. REDOVNA SJEDNICA OPĆINSKOG VIJEĆA ČELIĆ OD 22.03.2021. GODINE**

<b>R/B</b>	<b>SADRŽAJ</b>	<b>STRANA</b>
1.	ODLUKA o stavljanju van snage odredbi „ Zaključka sa prijedlogom mjera u cilju povećanja bezbjednosti korisnika javnog prevoza“, broj: 01-45-600/21 od 22.03.2021. godine	3
2.	ODLUKA o usvajanju Izvještaja o radu Komisije za procjenu prometne vrijednosti nepokretnosti i prava za mjesec januar i februar 2021. godine, broj: 01-45-857/21 od 22.03.2021. godine	4
3.	ODLUKA o pokretanju procedure izbora i imenovanja u reguliranim organima općine Čelić, broj: 01-45-870/21 od 22.03.2021. godine	5
4.	ODLUKA o utvrđivanju prosječne konačne građevinske cijene metra kvadratnoga korisne stambene površine iz predhodne godine, broj: 01-11-872/21 od 22.03.2021. godine	6
5.	ODLUKA o visini i načinu ostvarivanja prava na naknade i dodatke na plaću zaposlenih u jedinstvenom općinskom organu uprave općine Čelić, broj: 01-11-873/21 od 22.03.2021. godine	7
6.	RJEŠENJE o imenovanju Komisije za izbor na pozicije u reguliranim organima općine Čelić, broj: 01-45-870/21 od 22.03.2021. godine	17
7.	RJEŠENJE o imenovanju Komisije za procjenu prometne vrijednosti nekretnina, broj: 01-45-871/21 od 22.03.2021. godine	19
8.	ZAKLJUČAK o odbijanju Izvještaja o radu člana Nadzornog odbora JP Regionalna deponija Eko Dep d.o.o. Bijeljina, broj: 01-45-122/21 od 22.03.2021. godine	21
9.	ZAKLJUČAK po dopisu Općinske izborne komisije Čelić broj: 3/21 od 11.02.2021. godine, broj: 01-45-123/21 od 22.03.2021. godine	22
10.	ZAKLJUČAK o upućivanja apela za povlačenje prava na tzv "bijeli hljeb", broj: 01-11-873/21 od 22.03.2021. godine	23

Na osnovu člana 13. Zakona o principima lokalne samouprave („Službene novine Federacije Bosne i Hercegovine,, broj: 49/6 i 51/09 ), člana 24. Statuta općine Čelić („Službeni glasnik općine Čelić“, broj: 3/2017 ) , a u vezi sa Zaključkom Općinskog vijeća broj: 01-45-600/21 od 15.02.2021. godine, Općinsko vijeće na 4. redovnoj sjednici održanoj 22.03.2021 . godine, donosi :

#### ODLUKU

o stavljanju van snage odredbi „Zaključka sa prijedlogom mjera u cilju povećanja bezbjednosti korisnika javnog prevoza“

#### Član 1.

Ovom Odlukom stavlja se van snage „Zaključak sa prijedlogom mjera u cilju povećanja bezbjednosti korisnika javnog prijevoza“ od 01.11.2019.godine, broj: 01-49-2089/19.

#### Član 2.

Vraća se u funkciju ranija lokacija autobusnog stajališta u ulici „Zlatnih ljiljana“ neposredno kod sjedišta JKP „Čistoća“ Čelić u naselju Čelić.

#### Član 3.

Obavezuju se prijevoznici da saobraćanje ka pristupu autobusnog stajališta iz Člana 2. isključivo obavljaju skretanjem u centar naselja Čelić od pravca semafora.

#### Član 4.

Zadužuje se JKP „Čistoća“ Čelić da provede postupak obilježavanja autobusnog stajališta horizontalnom i vertikalnom signalizacijom.

#### Član 5.

Odluka stupa na snagu danom objavljivanja u „Službenom glasniku općine Čelić“.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE ČELIĆ

PREDSJEDAVAJUĆI  
Mustafa Ljaljić s.r.

Broj: 01-45-600/21  
Čelić, 22.03.2021. godine

Na osnovu člana 24. Statuta općine Čelić ("Službeni glasnik općine Čelić", broj: 3/2017), Općinsko vijeće Čelić na 4. redovnoj sjednici održanoj dana 22.03.2021. godine  
d o n o s i:

## ODLUKU

o usvajanju Izvještaja o radu Komisije za procjenu prometne vrijednosti nepokretnosti i  
prava za mjesec januar i februar 2021. godine

### Član 1.

Usvaja se Izvještaj o radu Komisije za procjenu prometne vrijednosti nepokretnosti i  
prava za mjesec januar i februar 2021. godine.

### Član 2.

Odluka stupa na snagu danom objavljivanja u "Službenom glasniku općine Čelić".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE ČELIĆ

PREDSJEDAVAJUĆI  
Mustafa Ljaljić s.r.

Broj: 01-45-857/21  
Čelić, 22.03.2021. godine

Na osnovu člana 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH, broj: 12/03, 34/03 i 65/13), Odluke o utvrđivanju uslova i kriterija za imenovanja na pozicije u reguliranim organima općine Čelić broj: 01-45-296/21 od 15.02.2021.godine ("Službeni glasnik općine Čelić: 2/2021) i člana 24. Statuta općine Čelić ("Službeni glasnik općine Čelić: 3/2017), Općinsko vijeće Čelić na 4. redovnoj sjednici održanoj dana, 22.03.2021. godine d o n o s i

## ODLUKU

### o pokretanju procedure izbora i imenovanja u reguliranim organima općine Čelić

#### I

Ovom Odlukom odobrava se raspisivanje i provođenje procedure Javnog oglasa za izbor i imenovanje predsjednika i članova upravnih i nadzornih odbora u reguliranim organima općine Čelić i to:

**1. Javna ustanova „Centar za socijalni rad Čelić“**

- 3 (tri) člana Upravnog odbora i to: 2 (dva) člana iz reda osnivača i 1 (jedan) član iz reda uposlenika

**2. Javno komunalno preduzeće „Čistoća“ doo Čelić**

-3 (tri) člana Nadzornog odbora

**3. Javno preduzeće „Veterinarska stanica“ doo Čelić**

- 3 (tri) člana Nadzornog odbora

**4. JZU „Dom zdravlja“ Čelić**

- 1 (jedan) član Upravnog odbora ispred osnivača

#### II

Za postupak raspisivanja i provođenje procedure Javnog oglasa iz člana 1. ove Odluke Općinsko vijeće Čelić će Rješenjem imenovati Komisiju za izbor na pozicije u reguliranim organima općine Čelić.

#### III.

Nakon provedenog postupka javnog oglasa iz člana 1. ove Odluke Općinsko vijeće Čelić će izvršiti konačna imenovanja na pozicije predsjednika i članova Upravnog odbora JU „Centar za socijalni rad“ Čelić, Nadzornog odbora JKP „Čistoća“ d.o.o Čelić, Nadzornog odbora „Veterinarska stanica“, d.o.o. Čelić i člana Upravnog odbora JZU „Dom zdravlja“ Čelić ispred osnivača.

#### IV.

Odluka stupa na snagu danom donošenja a bit će objavljena u „Službenom glasniku općine Čelić“.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE ČELIĆ

PREDSJEDAVAJUĆI  
Mustafa Ljaljić s.r.

Broj: 01-45-870/21  
Čelić, 22.03.2021. godine

Na osnovu člana 66. Zakona o građevinskom zemljištu u Federaciji Bosne i Hercegovine («Službene novine FBiH», broj: 25/03 i 67/05), člana 13. Zakona o principima lokalne samouprave u Federaciji Bosne i Hercegovine («Službene novine FBiH», broj: 49/06) i člana 24. Statuta općine Čelić («Službeni glasnik općine Čelić», broj: 3/2017), Općinsko vijeće Čelić na 4. redovnoj sjednici održanoj dana 22.03.2021.godine, d o n o s i

#### O D L U K U

o utvrđivanju prosječne konačne građevinske cijene metra kvadratnoga korisne stambene površine iz predhodne godine

#### Član 1.

Prosječna konačna građevinska cijena jednog kvadratnog metra korisne stambene površine izgrađene na području Općine Čelić u 2020. godini iznosi **650,00 KM.**

#### Član 2.

Cijene iz člana 1. ove Odluke formirane su na osnovu građevinskih cijena privrednih subjekata registrovanih za poslove građenja sa područja općine Čelić a služit će kao osnovica za izračunavanje visine naknade za pogodnost- rente na području općine Čelić u 2021. g.

Cijena iz člana 1. ove Odluke takođe služi kao najniža cijena pri utvrđivanju predračunske vrijednosti u projektnoj dokumentaciji kao osnovice pri određivanju takse za izdavanje odobrenja za građenje u 2021. godini.

#### Član 3.

Odluka stupa na snagu danom objavljivanja u "Službenom glasniku općine Čelić".

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE ČELIĆ

PREDSJEDAVAJUĆI  
Mustafa Ljaljić s.r.

Broj: 01-11-872/21  
Čelić, 22.03.2020. godine

Na osnovu člana 62. stav 2. Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10, 111/12 i 20/17), člana 29. stav 1. tačka d) i člana 84. Zakona o državnoj službi u Tuzlanskom kantonu („Službene novine Tuzlanskog kantona“, broj: 7/17, 10/17, 10/18 i 14/18) člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće općine Čelić na 4. redovnoj sjednici održanoj dana 22.03.2021.godine, d o n o s i :

## ODLUKU

o visini i načinu ostvarivanja prava na naknade i dodatke na plaću zaposlenih u jedinstvenom općinskom organu uprave općine Čelić

### DIO PRVI – OPĆE ODREDBE

#### Član 1.

Ovom Odlukom utvrđuje se visina i način ostvarivanja prava na naknade i dodatke na plaću uposlenika u organu uprave općine Čelić. Uposlenicima se smatraju izabrana i imenovana lica kao i državni službenici i namještenici koji su u radnom odnosu u službama za upravu općine Čelić.

Izabrana lica, smatraju se izabrani dužnosnici: Općinski načelnik, kao nosilac izvršne funkcije i Predsjedavajući Općinskog vijeća Čelić, ukoliko dužnost obavlja profesionalno (u daljem tekstu izabrana lica).

Imenovanim licima smatraju se Općinski pravobranilac, Zamjenik općinskog pravobranioca i savjetnici Općinskog načelnika (u daljem tekstu imenovana lica).

Državnim službenicima smatraju se lica koja obavljaju poslove osnovne djelatnosti u organu državne službe i koja su u skladu sa zakonom postavljena na određeno radno mjesto u tom organu.

Namještenicima se smatraju uposlenici koji obavljaju dopunske poslove osnovne djelatnosti i poslove pomoćne djelatnosti iz nadležnosti organa državne službe koji su funkcionalno povezani sa poslovima osnovne djelatnosti organa državne službe i koji su u skladu sa zakonom raspoređeni na određeno radno mjesto u tom organu.

### DIO DRUGI – NAKNADE I DODACI NA PLAĆE POGLAVLJE I – NAKNADE IZABRANIH I IMENOVANIH LICA

#### Član 2.

Izabrana i imenovana lica imaju pravo na naknade i to:

- (a) Naknada plaće zbog bolesti ili povrede na radu,
- (b) Naknada za troškove ishrane -topli obrok,
- (c) Naknada za odvojen život od porodice i smještaj u mjestu rada,
- (d) Naknada za godišnji odmor i plaćeni dopust,
- (e) Naknada za slučaj smrti, teške bolesti i invalidnosti,
- (f) Otpremnina,
- (g) Naknada troškova za službeno putovanje.

#### Član 3.

(Naknada plaće zbog bolesti ili povrede na radu)

Za prvih 42 dana odsutnosti s posla zbog bolesti ili povrede, izabrana i imenovana lica iz člana 1. ove Odluke, koja ostvaruju pravo na plaću, imaju pravo na naknadu plaće u visini plaće koju su ostvarili za prethodni mjesec.

Izabrana i imenovana lica iz člana 1. ove Odluke imaju pravo na naknadu plaće u visini od 70% plaće koju su ostvarili za prethodni mjesec prije odsutnosti s posla zbog bolesti

ili povrede za odsutnost s posla duže od 42 dana, a najduže 12 mjeseci odnosno do kraja mandata.

Izabrana i imenovana lica iz člana 1. ove Odluke imaju pravo na naknadu plaće u punom iznosu koju su ostvarili za prethodni mjesec ako je do odsutnosti s posla došlo iz razloga povrede na radu.

#### Član 4.

(Naknada za troškove ishrane - topli obrok)

Izabrana i imenovana lica iz člana 1. ove Odluke imaju pravo na naknadu troškova ishrane (topli obrok) u visini od 1% prosječne mjesečne neto plaće isplaćene u Federaciji Bosne i Hercegovine prema posljednjem objavljenom statističkom podatku.

Naknada iz stava 1. ovog člana neće se obračunavati, odnosno isplaćivati za vrijeme odsutnosti s posla po osnovu službenog puta, plaćenog ili neplaćenog dopusta, bolesti ili povrede na radu, godišnjeg odmora i drugim slučajevima odsustva sa posla.

#### Član 5.

(Naknada za odvojeni život od porodice i smještaj u mjestu rada)

Naknada za odvojeni život od porodice i smještaj u mjestu rada izabrana i imenovana lica iz člana 1. ove Odluke ostvaruju u visini i pod uvjetima utvrđenim u članu 23. ove Odluke kojim se reguliše pitanje ove naknade za državne službenike i namještenike zaposlene u jedinstvenom općinskom organu uprave Općine Čelić.

#### Član 6.

(Naknada za godišnji odmor i plaćeni dopust)

Izabrana i imenovana lica iz člana 1. ove Odluke koji u toku tekuće kalendarske godine imaju pravo na godišnji odmor, imaju pravo na naknadu za vrijeme godišnjeg odmora (regres) u visini 50% prosječne neto plaće isplaćene u Federaciji Bosne i Hercegovine po posljednjem objavljenom statističkom podatku i pravo na naknadu za plaćeni dopust u dužini od 30 dana u visini svoje neto plaće iz prethodnog mjeseca.

#### Član 7.

(Naknada za slučaj smrti, teške bolesti i invalidnosti)

Naknadu za slučaj smrti, teške bolesti i invalidnosti izabrana i imenovana lica iz člana 1. ove Odluke ostvaruju u visini i pod uvjetima utvrđenim u članu 24. i 25. ove Odluke kojim se reguliše pitanje ove naknade za državne službenike i namještenike zaposlene u jedinstvenom općinskom organu uprave Općine Čelić.

#### Član 8.

(Otpremnina)

Izabrana i imenovana lica iz člana 1. ove Odluke imaju pravo na isplatu otpremnine prilikom odlaska u penziju u iznosu od pet njihovih prosječnih plaća isplaćenih u prethodnih pet mjeseci.

#### Član 9.

(Naknada troškova za službeno putovanje)

Naknadu troškova za službeno putovanje izabrana i imenovana lica iz člana 1. ove Odluke ostvaruju u visini i pod uvjetima propisanim članu 29. do 41. ove Odluke kojom se reguliše pitanje ove naknade za državne službenike i namještenike zaposlene u jedinstvenom općinskom organu uprave Općine Čelić.



## POGLAVLJE II – DODACI NA PLAĆU I NAKNADE DRŽAVNIH SLUŽBENIKA I NAMJEŠTENIKA

### Član 10.

#### (Dodaci na plaću)

Državni službenici i namještenici zaposleni u jedinstvenom općinskom organu uprave općine Čelić imaju pravo na dodatke na plaću i to za:

- (a) inspektore,
- (b) naučni stepen magistra i doktora nauka,
- (c) ostale poslove u procentu koji su određeni posebnim zakonom

Dodatak iz stava 1. ovog člana obračunava se na osnovnu plaću bez dijela plaće po osnovu penzijskog staža i čini sastavni dio plaće. Dodaci na plaću obračunavaju se i isplaćuju samo za dane provedene na radu.

Rukovodilac općinskog organa uprave može svojim aktom, za pojedina radna mjesta uposlenika koja nisu obuhvaćena stavom 1. člana 10. ove Odluke (rad na šalterima, rad na terenu i sl.) odrediti dodatak na plaću u iznosu od 10%.

Za postignute rezultate u radu, povećan obim poslova na pojedinim radnim mjestima u okviru određene općinske službe, odgovornost na radu i slično, rukovodilac općinskog organa uprave može svojim aktom utvrditi stimulativni dodatak, odnosno može uposleniku povećati plaću u iznosu do 20 %.

### Član 11.

#### (Dodatak na plaću za inspektore)

Dodatak na plaću za inspektore iznosi 20% od osnovne plaće.

### Član 12.

#### (Dodatak na plaću za naučni stepen magistra i doktora nauka)

Dodatak na plaću državnim službenicima koji imaju naučne stepene ako izvršavanje njihovih poslova zahtijeva takve kvalifikacije i propisani su kao uslov Pravilnikom o unutrašnjoj organizaciji i sistematizaciji radnih mjesta, iznosi:

- (a) naučni stepen doktora nauka 15 %,
- (b) naučni stepen magistra 10 %.

### Član 15.

#### (Naknade)

Državni službenici i namještenici zaposleni u jedinstvenom općinskom organu uprave općine Čelić imaju pravo na naknade i to:

- (a) naknada za prekovremeni rad, rad u dane sedmičnog odmora, noćni rad i rad u državne praznike,
- (b) naknada za godišnji odmor i plaćeni dopust,
- (c) naknada za ishranu tokom rada- topli obrok,
- (d) regres za godišnji odmor,
- (e) naknada za bolovanje,
- (f) naknada za porodijski dopust,
- (g) naknada za službeno putovanje,
- (h) naknada za prevoz na posao i sa posla,
- (i) naknada za odvojen život od porodice i smještaj u mjestu rada,
- (j) naknada za slučaj povrede na radu, teške bolesti i invalidnosti,
- (k) naknada za slučaj smrti i pravo na osiguranje od posljedica nesretnog slučaja,
- (l) otpremnina,

- (m) naknada za slučaj prekobrojnosti i
- (n) naknada za rad u komisijama.

#### Član 16.

(Naknada za prekovremeni rad, rad u dane sedmičnog odmora, noćni rad i rad u dane državnih praznika)

U slučaju prekovremenog rada, rada u dane sedmičnog odmora, noćnog rada ili rada u dane državnih praznika, državni službenik i namještenik ima pravo na naknadu osnovne plaće srazmjerno vremenu trajanja tog rada.

Državnom službeniku i namješteniku osnovna plaća uvećat će se:

- a) za prekovremeni rad po nalogu rukovodioca - 50 % za sate provedene na radu koji ulaze u prekovremeni rad po nalogu rukovodioca,
- b) za rad u dane sedmičnog odmora - 30% za sate provedene na radu koji padaju u dane sedmičnog odmora,
- c) za noćni rad - 30 % za sate provedene na radu koji se smatraju noćnim radom. Noćnim radom se smatra rad od 22:00 do 06:00 sati.
- d) za rad u dane praznika koji su po zakonu određeni kao neradni – 50% za sate provedene na radu koji ulaze u dane državnih praznika.

Obračun naknade iz stava 2. ovog člana vrši se od osnovne plaće bez dijela plaće po osnovu penzijskog staža. Naknada iz ovog člana čini sastavni dio plaće. Dodaci iz stava 2. ovog člana međusobno se ne isključuju

#### Član 17.

(Naknada za godišnji odmor i plaćeni dopust)

Državni službenik i namještenik ima pravo na naknadu plaće za vrijeme korištenja godišnjeg odmora u visini od 100% svoje neto plaće iz prethodnog mjeseca.

Državni službenik i namještenik ima pravo na plaćeni dopust u dužini od 30 dana u visini svoje neto plaće iz prethodnog mjeseca.

#### Član 18.

(Naknada za ishranu tokom rada)

Državni službenik i namještenik imaju pravo na naknadu troškova ishrane -topli obrok u visini od 1% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku.

Naknada za troškove ishrane - topli obrok neće se obračunavati za vrijeme odsutnosti s posla po osnovu službenog puta ako se koristi dnevica, plaćenog ili neplaćenog dopusta, bolovanja, porodijskog odsustva, godišnjeg odmora i drugim slučajevima odsustva sa posla.

#### Član 19.

(Regres za godišnji odmor)

Državni službenik i namještenik imaju pravo na naknadu za vrijeme godišnjeg odmora - regres u visini od 50% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku.

Pravo na regres iz stava 1. ovog člana ima svaki državni službenik i namještenik koji u toku tekuće kalendarske godine ima pravo na godišnji odmor.

Član 20.

(Naknada za bolovanje)

Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni mjesec.

Naknada plaće za bolovanje preko 42 dana iz stava 1. ovog člana ostvaruje se po kantonalnom propisu kojim se uređuje naknada za bolovanje, s tim da se razlika do pune plaće isplaćuje iz Budžeta Općine.

Član 21.

(Naknada za porodiljski dopust)

Državni službenik i namještenik za vrijeme porodiljskog dopusta ima pravo na naknadu plaće prema propisima kantona kojim se uređuje ova oblast, prema mjestu uplate doprinosa s tim da se razlika do visine pune plaće isplaćuje iz Budžeta Općine.

Član 22.

(Naknada za prijevoz na posao i s posla)

Ukoliko nije organizovan službeni prijevoz na posao i s posla, državnom službeniku i namješteniku pripada karta za prevoz u javnom saobraćaju ukoliko koristi prevoz javnim saobraćajem ili novčana naknada u visini cijene mjesečne karte za najjeftiniji prevoz, ako je mjesto stanovanja od mjesta rada udaljeno najmanje 2 (dva) km.

Udaljenost od mjesta rada određuje se na osnovu najkraće putne komunikacije od adrese stanovanja do mjesta rada.

Naknada za prijevoz na posao i s posla neće se obračunavati za vrijeme odsutnosti s posla po osnovu službenog puta, plaćenog dopusta, bolovanja, porodiljskog dopusta, godišnjeg odmora i drugim slučajevima odsustva sa posla.

Član 23.

(Naknada za odvojeni život od porodice i smještaj u mjestu rada)

Državni službenik i namještenik čije je mjesto prebivališta udaljeno više od 70 km od mjesta rada, tj. u kojem vrši službenu dužnost, ima pravo na naknadu troškova za odvojeni život od porodice i naknadu troškova smještaja u mjestu rada u visini od 150,00 KM mjesečno.

Ukoliko državni službenik ili namještenik iz prethodnog stava ovog člana ili član njegove uže porodice definisan u članu 25. stav 3. ove Odluke imaju u vlasništvu i zakupu stambenu jedinicu bliže od 70 km od sjedišta Općine Čelić, nemaju pravo na naknadu za odvojeni život od porodice i naknadu troškova smještaja u mjestu rada bez obzira da li je koristi za stanovanje.

Član 24.

(Naknada za slučaj povrede na radu, teške bolesti i invalidnosti)

U slučaju povrede na radu, teške bolesti ili invalidnosti državnog službenika ili namještenika isplaćuje se jednokratna novčana pomoć u visini od jedne prosječne mjesečne neto plaće isplaćene u Federaciji Bosne i Hercegovine prema zadnjem objavljenom statističkom podatku.

Pravo na jednokratnu pomoć iz stava 1. ovog člana na osnovu povrede na radu ostvaruje se za tešku tjelesnu povredu koja je nastala u vezi sa radom u državnoj službi i koja nije nastala krivicom ili nepažnjom državnog službenika i namještenika.

Pod teškom bolešću iz stava 1. ovog člana podrazumjevaju se sljedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu,

sve vrste degenerativnih oboljenja centralnog nervnog sistema, infarkt (srčani, moždani), oboljenje mišićnog sistema, paraliza i druge teške bolesti i teške tjelesne povrede određene općim aktom Federalnog ministarstva zdravstva.

Državni službenik i namještenik ima pravo na isplatu jednokratne novčane pomoći u slučaju teške bolesti člana njegove uže porodice definisan u članu 25. stav 3. ove Odluke u visini od jedne prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku.

Pravo na jednokratnu pomoć iz stava 1. ovog člana na osnovu invalidnosti ostvaruje se za utvrđeni stepen invalidnosti od najmanje 60 % invalidnosti koja je nastala u vezi sa radom u državnoj službi.

#### Član 25.

(Naknada za slučaj smrti i pravo na osiguranje od posljedica nesretnog slučaja)

U slučaju smrti državnog službenika ili namještenika njegovoj porodici se isplaćuju troškovi ukopa/sahrane u visini od dvije prosječne mjesečne neto plaće isplaćene u Federaciji Bosne i Hercegovine prema posljednjem objavljenom statističkom podatku.

Naknada iz stava 1. ovog člana isplaćuje se i u slučaju smrti člana uže porodice državnog službenika i namještenika.

Članom uže porodice državnog službenika ili namještenika, u smislu stava 1. ovog člana smatraju se bračni i vanbračni drug ako žive u zajedničkom domaćinstvu, dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina odnosno do 26 godina starosti ako se nalaze na redovnom školovanju i nisu u radnom odnosu, djeca nesposobna za rad bez obzira na starosnu dob), roditelji (otac, majka, očuh, maćeha i usvojitelji) pod uvjetom da žive u zajedničkom domaćinstvu sa državnim službenikom i namještenikom, braća i sestre bez roditelja do 18 odnosno do 26 godina starosti ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uvjetom da s njima živi u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom.

Ukoliko u organu državne službe istog nivoa vlasti, a koji se finansiraju iz istog budžeta, rade dva ili više članova porodice, troškovi ukopa/sahrane iz stava 1. ovog člana se isplaćuju samo jednom zaposlenom članu porodice ili u srazmjernom iznosu svim zaposlenim članovima porodice.

Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u organima državne službe.

Visina premije osiguranja po ovom osnovu određuje se prema osiguranoj sumi u polici osiguranja od posljedica nesretnog slučaja odnosno polici osiguranja od prirodne smrti.

Ugovor o osiguranju sa osiguravajućom kućom zaključuje Općinski načelnik za sve državne službenike i namještenike zaposlene u jedinstvenom općinskom organu uprave općine Čelić.

#### Član 26.

(Otpremnina)

Državni službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plaća isplaćenih u prethodnih pet mjeseci.

Član 27.

(Naknada u slučaju prekobrojnosti)

Državni službenik i namještenik zaposlen na neodređeno vrijeme, a kojem je radni odnos u jedinstvenom općinskom organu uprave općine Čelić prestao usljed prekobrojnosti, ima pravo na naknadu u iznosu i to:

- (a) za radni staž do 10 godina naknada iznosi tri neto plaće državnog službenika odnosno namještenika, ili tri prosječne neto plaće isplaćene po zaposleniku u FBiH po posljednjem objavljenom statističkom podatku, ako je to za njega povoljnije,
- (b) za radni staž od 11 do 20 godina naknada iznosi šest neto plaća državnog službenika odnosno namještenika ili šest prosječnih neto plaća isplaćenih po zaposleniku u FBiH po posljednjem objavljenom statističkom podatku, ako je to za njega povoljnije,
- (c) za radni staž od 21 do 30 godina naknada iznosi devet neto plaća državnog službenika odnosno namještenika ili devet prosječnih neto plaća isplaćenih po zaposleniku u FBiH po posljednjem objavljenom statističkom podatku, ako je to za njega povoljnije,
- (d) za radni staž preko 30 godina naknada iznosi dvanaest neto plaća državnog službenika odnosno namještenika ili dvanaest prosječnih neto plaća isplaćenih po zaposleniku u FBiH po posljednjem objavljenom statističkom podatku, ako je to za njega povoljnije.

Član 28.

(Naknada za rad u komisijama)

Članovi komisija koje se formiraju na osnovu rješenja Općinskog načelnika, a čije osnivanje je predviđeno zakonom ili odlukom, imaju pravo na naknadu za rad u komisijama.

Visina naknade za rad u komisiji utvrđuje se u paušalnom iznosu i to do 50,00 KM mjesečno za predsjednika komisije, do 40,00 KM mjesečno za članove komisije i do 20,00 KM mjesečno za tehničkog sekretara komisije zavisno od složenosti posla koji komisija obavlja.

Tačan iznos odnosno visinu naknade za rad svojim aktom utvrđuje Općinski načelnik za svaku pojedinačnu komisiju.

Pravo na naknadu članovi komisije imaju samo u slučaju da su u komisiji radili nakon radnog vremena.

### POGLAVLJE III – NAKNADA TROŠKOVA ZA SLUŽBENO PUTOVANJE ZAPOSLENIH U JEDINSTVENOM OPĆINSKOM ORGANU UPRAVE OPĆINE ČELIĆ

Član 29.

Zaposlenici jedinstvenog općinskog organa uprave Općine Čelić imaju pravo na naknadu troškova koji nastanu u vezi sa službenim putovanjem u inostranstvu i na području Federacije Bosne i Hercegovine, odnosno Bosne i Hercegovine, koji se ostvaruju prema odredbama ove Odluke.

Član 30.

(Pojam službenog putovanja)

Pod službenim putovanjem u smislu ove Odluke smatra se putovanje na području Federacije Bosne i Hercegovine, odnosno Bosne i Hercegovine, kao i putovanje u inozemstvo, na koje se zaposleni Općine Čelić upućuje da izvrši određeni službeni zadatak (posao).

Pod službenim putovanjem na području Federacije, odnosno Bosne i Hercegovine, smatra se ono putovanje koje se vrši van sjedišta jedinstvenog Općinskog organa uprave, a putovanje u inozemstvo podrazumijeva putovanje u stranu zemlju.

Član 31.

(Vrste naknada za službeno putovanje)

Naknade za službena putovanja obuhvataju naknadu za ishranu, smeštaj, prijevozne i druge troškove propisane ovom Odlukom.

Član 32.

(Naknada za ishranu - dnevnicu)

Pod dnevnicom, u smislu ove Odluke podrazumijeva se naknada troškova za ishranu na službenom putovanju.

Dnevnicu za službeno putovanje u zemlji utvrđuje se u visini od 25,00 KM.

Član 33.

(Visina dnevnice)

Visina dnevnice za službeno putovanje u inostranstvo utvrđuje se za svaku državu pojedinačno i primjenjivat će se dnevnicu utvrđene u prilogu Uredbe o naknadama troškova za službena putovanja Federacije Bosne i Hercegovine koja se primjenjuju za zaposlene u organima vlasti Federacije Bosne i Hercegovine.

Član 34.

Jedna dnevnicu obračunava se za svaka 24 sata provedena na službenom putovanju.

Za službeno putovanje koje traje duže od 12 sati, obračunava se jedna dnevnicu, a za službeno putovanje koje traje 8 do 12 sati pola dnevnice.

Ako je na službenom putovanju osigurana besplatna ishrana, pripadajuća dnevnicu se umanjuje za 30%.

Dnevnicu i naknada za topli obrok međusobno se isključuju.

Zaposlenici jedinstvenog općinskog organa uprave Općine Čelić dužni su u izvještaju o obavljenom službenom putovanju navesti da li je i u kojoj mjeri je na istom bila osigurana ishrana u slučaju da se sa priloženih računa isto ne može sa sigurnošću utvrditi.

Član 35.

(Naknada za smještaj - noćenje)

Naknada za noćenje obračunava se u visini plaćenog hotelskog računa, za hotelski smještaj do četiri zvjezdice, a najviše do iznosa odobrenog nalogom za službeno putovanje.

Ukoliko je zaposlenik odsjeo u hotelu sa pet ili više zvjezdica, isti snosi troškove smještaja.

Član 36.

Za službeno putovanje, koje zaposlenici jedinstvenog općinskog organa uprave Općine Čelić obavljaju u svojstvu člana delegacije, na međunarodnim susretima i skupovima, na kojima organizator, odnosno domaćin određuje uvjete smještaja, troškovi smještaja obračunavaju se na osnovu stvarno plaćenog iznosa računa hotela i u slučaju kada on prelazi iznos odobren nalogom za službeno putovanje.

Ako je na službenom putu obezbijeđen besplatan smještaj zaposlenici Općine Čelić nema pravo na naknadu troškova smještaja, u skladu s odredbama ove Odluke.

Član 37.

(Naknade za troškove prijevoza)

Naknade za troškove prijevoza na službenom putovanju, obračunavaju se u visini prijevozne karte iz putničke tarife za prijevoz sredstvom one vrste i razreda koji se mogu upotrebljavati na službenom putovanju prema putnom nalogu.

Ako je na službenom putu obezbijeđen besplatan prijevoz zaposlenici Općine Čelić nemaju pravo na naknadu troškova prijevoza, u skladu s odredbama ove Odluke.

#### Član 38.

(Korištenje privatnog automobila)

Zaposlenicima Općine Čelić koji za službene potrebe, uz prethodno odobrenje Općinskog načelnika, koriste putnički automobil u privatnom vlasništvu, pripada naknada u visini 15% cijene litra benzina BMB 95 na teritoriji Bosne i Hercegovine, po pređenom kilometru na odobrenoj relaciji.

Isplata naknade iz stava 1. ovog člana predstavlja naknadu troškova za gorivo i amortizaciju automobila i ista ne isključuje troškove nastale po osnovu plaćene cestarine, putarine, mostarine, naknade za korištenje tunela, parkinga i drugih troškova nastalih u vezi sa prijevozom na službenom putovanju.

Kod obračuna naknade za korištenje ličnog putničkog automobila isti se vrši na način da se obračuna najkraća udaljenost koju državni službenik mora prijeći prijevoznim sredstvom, a koja se može utvrditi (izmjeriti) na geografskoj karti namijenjenoj vozačima i ona je mjerodavna prilikom određivanja stvarne udaljenosti službenog putovanja.

#### Član 39.

(Ostale vrste naknada)

Pod ostalim naknadama za izdatke koji nastanu u vezi sa službenim putovanjem u inostranstvo i na području Bosne i Hercegovine podrazumijevaju se izdaci koji nastanu u svrhu obavljanja službenog putovanja.

Izdaci iz stava 1. ovog člana obračunavaju se prema priloženom računu.

#### Član 40.

Svako službeno putovanje u inostranstvo i u zemlji vrši se na osnovu naloga za službeno putovanje.

Na osnovu naloga za službeno putovanje može se isplatiti akontacija u visini procijenjenih troškova za predviđeno službeno putovanje i to isključivo u nacionalnoj valuti Bosne i Hercegovine.

### DIO TREĆI - PRELAZNE I ZAVRŠNE ODREDBE

#### Član 41.

(Donošenje provedbenih akata)

Postupak ostvarivanja naknada i dodataka na plaću propisanih ovom Odlukom bliže će se regulisati pravilnikom koji donosi Općinski načelnik u roku 30 dana od dana stupanja na snagu ove Odluke.

#### Član 43.

(Primjena drugih propisa)

Na pitanja koja nisu regulisana ovom Odlukom shodno se primjenjuju odredbe Zakona o radu („Službene novine Federacije BiH“, broj: 26/16 i 89/18), Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10, 111/12 i 20/17) i ostalih propisa kojima se reguliše ova oblast sa izmjenama i dopunama ovih propisa koji budu doneseni nakon stupanja na snagu ove Odluke.

Član 44.

(Prestanak važenja propisa)

Stupanjem na snagu ove Odluke prestaju da važe odredbe Pravilnika o plaćama i naknadama u općini Čelić broj: 02-11-2134/19 od 08.10.2019. godine, koje regulišu pitanja prava na naknade i dodatke na plaću uposlenika u organu uprave općine Čelić i način njihovog ostvarivanja.

Član 45.

(Stupanje na snagu)

Ova Odluka stupa na snagu danom donošenja, a objavit će se u „Službenom glasniku općine Čelić“.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE

PREDSJEDAVAJUĆI  
Mustafa Ljaljić s.r.

Broj: 01-11-873/21  
Čelić, 22.03.2021.godine



BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE ČELIĆ

Broj: 01-45-870/21  
Čelić, 22.03.2021. godine

Na osnovu člana 3. i člana 9. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), Odluke o utvrđivanju uvjeta i kriterija za imenovanje na pozicije u reguliranim organima općine Čelić, broj: 01-45-296/21 od 15.02.2021.godine ("Službeni glasnik općine Čelić: 2/2021), člana 2. Odluke o pokretanju procedure izbora i imenovanja u reguliranim organima općine Čelić broj: 01-45-870/21 od 22.03.2021.godine i člana 24. Statuta općine Čelić ("Službeni glasnik općine Čelić", broj: 3/2017), Općinsko vijeće Čelić na 4. redovnoj sjednici održanoj dana, 22.03.2021. godine donosi:

**RJEŠENJE**

**o imenovanju Komisije za izbor na pozicije u reguliranim organima općine Čelić**

**I**

Imenuje se Komisija za izbor na pozicije u reguliranim organima općine Čelić, i to za:

- 1. Javna ustanova „Centar za socijalni rad Čelić“**
  - 2. Javno komunalno preduzeće „Čistoća“ doo Čelić**
  - 3. Javno preduzeće „Veterinarska stanica“ doo Čelić**
  - 4. Javna zdravstvena ustanova „Dom zdravlja“ Čelić**
- u sljedećem sastavu:

1. Merisa Ahmetović Smajić- predsjednik komisije
2. Vinko Pavlović - član
3. Sabahudin Livadić - član
4. Nerim Džafić - član
5. Amir Kahrmanović - član

**II**

Zadatak Komisije iz tačke I je da, shodno principima Zakona o ministarskim, vladinim i drugim imenovanjima Federacije BiH i Odlukom o utvrđivanju uvjeta i kriterija za imenovanja na pozicije u reguliranim organima općine Čelić:

- pripremi tekst oglasa za izbor i imenovanje u reguliranim organima općine Čelić,
- objavi oglas na najefikasniji mogući način u „Službenim novinama Federacije BiH“, i barem jednom dnevnom listu velikog tiraža s ciljem da bude dostupan široj javnosti,
- pregleda prijave pristigle u roku utvrđenom oglasom,
- sastavi listu s užim izborom uspješnih kandidata koji ispunjavaju kriterije za izbor,
- obavi intervju sa kandidatima koji su ušli u uži izbor,
- kandidatima koji su ušli u uži izbor traži popunjavanje obrasca u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja,

- od kandidata koji su ušli u uži izbor traži da daju podatke o odgovarajućem broju ranijih neposrednih rukovodioca od kojih se mogu dobiti preporuke i informacije o kandidatima,
- Odgovornom javnom službeniku, Općinskom vijeću Čelić, predloži pismenom preporukom rang-listu sa najboljim kandidatima na dalje razmatranje i
- nakon izbora kandidata od strane Općinskog vijeća Čelić izradi rješenje o konačnom imenovanju i isto objaviti u „Službenom glasniku Općine Čelić“.

### III

Ovo Rješenje stupa na snagu danom donošenja i bit će objavljeno u „Službenom glasniku općine Čelić“.

PREDSJEDAVAJUĆI

Mustafa Ljaljić s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE ČELIĆ

Broj: 01-45-871/21  
Čelić, 22.03.2021. godine

Na osnovu člana 10. stav 3. Zakona o porezu na nepokretnosti i prava ("Službene novine Tuzlanskog kantona", broj: 11/01, 13/01, 3/13, 12/16, 11/18 i 13/19), člana 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09), i člana 24. Statuta općine Čelić ("Službeni glasnik općine Čelić", broj: 3/2017) Općinsko vijeće Čelić na 4. redovnoj sjednici održanoj dana, 22.03.2021. 2021. godine, d o n o s i:

**R J E Š E N J E**  
**o imenovanju Komisije za procjenu prometne vrijednosti nekretnina**

Član 1.

U Komisiju za utvrđivanje prometne vrijednosti nepokretnosti i prava (u daljem tekstu: Komisija), imenuju se:

1. Esed Slomić, predsjednik,
2. Ahmet Subašić, zamjenik predsjednika,
3. Hajrudin Halilović, član,
4. Muamer Žigić, član
5. Mehmed Kahrmanović, član
6. Enver Halilović, član.

Član 2.

Imenovanje Komisije vrši se na mandatni period od 2 (dvije) godine.  
Komisija će izvršavati procjenjivanje prometne vrijednosti nepokretnosti u sastavu od tri člana.

Član 3.

Zadatak Komisije je utvrđivanje prometne vrijednosti nepokretnosti i prava u skladu sa Zakonom o porezu na nepokretnosti i prava ("Službene novine Tuzlanskog kantona", broj: 11/01, 13/01, 3/13, 12/16, 11/18 i 13/19) i Odlukom o utvrđivanju prometne vrijednosti nepokretnosti i prava („Službeni glasnik općine Čelić“ broj: 2/2018 i 1/2019).

Član 4.

Članovima Komisije pripada dnevica u visini od po 10,00 KM po jednom riješenom predmetu koja će se isplaćivati na osnovu izvještaja dostavljenog od strane predsjednika koji mora sadržavati: broj riješenih predmeta sa imenima i prezimenima članova Komisije koji su učestvovali u radu i sa pojedinačnim i ukupnim iznosom.

Član 5.

Rješenje stupa na snagu danom donošenja.

Član 6.

Rješenje će se objaviti u „Službenom glasniku općine Čelić“.

PREDSJEDAVAJUĆI

Mustafa Ljaljić s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE ČELIĆ

Broj: 01-45-122/21

Čelić, 22.03.2021. godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj 34/06), člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće Čelić na 4. redovnoj sjednici održanoj 22.03.2021. godine, donosi:

Z A K L J U Č A K  
o odbijanju Izvještaja o radu člana Nadzornog odbora JP Regionalna deponija  
Eko Dep d.o.o. Bijeljina

Član 1.

Odbija se Izvještaj o radu člana Nadzornog odbora JP Regionalna deponija Eko Dep d.o.o. Bijeljina.

Odbijeni Izvještaj o radu člana Nadzornog odbora Eko Dep Bijeljina je osnov za smjenu.

Ovlašćuje se Općinski načelnik da imenuje privremenog člana Nadzornog odbora JP Regionalna deponija Eko Dep d.o.o. Bijeljina do provođenja postupka imenovanja u skladu sa Zakonom.

Član 2.

Zaključak stupa na snagu danom donošenja, a objaviće se u „Službenom glasniku općine Čelić“.

PREDSJEDAVAJUĆI

Mustafa Ljaljić s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE ČELIĆ

Broj: 01-45-123/21  
Čelić, 22.03.2021. godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj 34/06), člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće Čelić na 4. redovnoj sjednici održanoj 22.03.2021. godine, donosi:

Z A K L J U Č A K

po dopisu Općinske izborne komisije Čelić broj: 3/21 od 11.02.2021. godine

Član 1.

Općinsko vijeće Čelić konstatuje da Općinska izborna komisija nije ispoštovala obaveze definisane Zaključkom o prihvatanju inicijative za dostavom podataka od strane Općinske izborne komisije Čelić o radu mobilnog tima u skladu sa Pravilnikom o provođenju izbora u Bosni i Hercegovini, broj: 05-1-02-2-389-2/20 usvojenog sa prethodne sjednice a odnose se na rad mobilnog tima za koji postoje indicije da su u prethodnom izbornom ciklusu radili na način koji ukazuje na potencijalni izborni inženjering.

Član 2.

Zaključak stupa na snagu danom donošenja, a objaviće se u „Službenom glasniku općine Čelić“.

PREDSJEDAVALAČI

Mustafa Ljaljić s.r.

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA ČELIĆ  
OPĆINSKO VIJEĆE ČELIĆ

Broj: 01-11-873/21  
Čelić, 22.03.2021. godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj 34/06), člana 24. Statuta općine Čelić („Službeni glasnik općine Čelić“, broj: 3/2017), Općinsko vijeće Čelić na 4. redovnoj sjednici održanoj 22.03.2021. godine, donosi:

Z A K L J U Č A K  
o upućivanja apela za povlačenje prava na tzv "bijeli hljeb"

Član 1.

Općinsko vijeće Čelić upućuje apel prema bivšem Općinskom načelniku Seadu Muminoviću da odustane od korištenja beneficije, prava na bijeli hljeb jer ono stvara dodatno finansijsko opterećenje za naš budžet u iznosu od 43.600,00 KM.

Član 2.

Zaključak stupa na snagu danom donošenja, a objaviće se u „Službenom glasniku općine Čelić“.

Dostavljeno:

PREDSJEDAVAJUĆI  
Mustafa Ljaljić

1. Sead Muminović
2. Općinski načelnik,
3. Predsjedavajući Općinskog vijeća,
4. Uz Službeni glasnik,
5. Arhiva